

جریدہ علمیہ

مشتبہ جلید اسلامیکہ جریده رسمیه سید

غیر شعبان المعظم سنہ ۱۳۳۸

تشکلی عهده بندکانه مه حواله بیوریلان هیئت جدیده وکلا اسمایی بالا ده عرض
اولان ذواتدن تشکلی ایتمش اولمغه کیفیت رهین تصدیق جلیل جناب تاجداریلری اوله رق
اشبو تقریر عاجزانه مک بالاسی خط هایون حضرت خلافتناهیلی ایله توشیح بیورلدینی
خلده مشار الهمک مأموریتلری اجرا واعلان اولنه جفی محاطعلم عالی جناب پادشاهیلی
بیورلدقده وقاطبه احوالده امروفرمان حضرت ولی الامر اقدمز کدر .

۱۵ رجب ۱۳۳۸ • نیشان ۱۳۳۶

صدراعظم قوللری
داماد فرید

فتاویٰ شریفه

مسافر

مسافر اولوبده اسیر اولان زید مسلم اقامته صالح بر محله اون بش کوندن زیاده
اقامت ایدم جکفی بیلیرسه مسافر اولورمی الجواب اولور .

تزوج

زیدک زوجه سی هنددن متولد اوغلی عمرو زیدک زوجه اخراسی زینک زوج آخردن
متولد قیزی خدیجه یی تزوج جائز اولورمی الجواب اولور .

بلا اذن ولی تزوج

هند بالغه ولی اقربی باباسی زیدک اذنلسز نفسی کفوی اولیان عمروه تزویج ایدوب
لکن هندک عمرودن ولدی اولماسه زید راضی اولیوب هندی عمرودن حاکمه تفریق
ایتدیرمکه قادر اولورمی الجواب اولور .

بلا اذنامه عقد

بربلده اها لیسندن هند بالغه نفسی شهود محضرلرند زیده تزویج ایدوب لکن اذن
قاضی بولماسه عقد منبور صحیح اولورمی الجواب اولور .

امتناع زوجه

زید بر بلده اهاالیسندن هندی اول بلدهده تزوج ایتد کدنصکره مهر معجلنی ایفا
ایتمش اولمغله هندی مسافه سفردن اقل اولان کندی بلدهسنه کوتورمک ایستد کده هند
تغیر وجه امتناعه قادره اولورمی الجواب اولماز .

*
*

نحریم

زید زوجهسی هندک قیز قرنداشی قیزی زینبی تزوج ایدوب هند ایله جمع ایتک
جائز اولورمی الجواب اولماز .

*
*

رضاع

زید رضاعاً عمهسی قیزی هندی تزوج ایتک جائز اولورمی الجواب اولور .

*
*

طلاق

زید زوجه مدخول بهاسی هندی طلاق رجعی ایله تطلیق ایتد کدنصکره طلاق اخیر
اولمایحق زید هنده عدتی ایچنده مراجعت ایدوب تجدید نکاح ایتدین هند ایله ازواج
معاملهسنه قادر اولورمی الجواب اولور .

*
*

ترکه کفیل

زید بر متاعی عمروه شو قدر اچیه اجل معلوم ایله بیع وتسلیم ایتد کدن صکره
بکر عمروک امریله مبلغ مزبوره کفیل اولوب بعده قبل حلول الاجل بکر فوت اولسه
زید مبلغ مزبوری حالا بکرك ترکه وافیسندن آلمغه قادر اولورمی الجواب اولور .
بوصورتده بکرك ورثهسی مبلغ مزبوری قبل حلول الاجل عمرودن آلمغه قادر
اولورلرمی الجواب اولمازلر .

*
*

مرور زمان

زید فوت اولوب اوغللری عمرو و بکر ایله قیزی هندی ترك ایتد کده جمله ترکهنی

عمرو و بکر قبض ایدوب هند حصه سنی آلیوب اون بش سنه مرور ایلسه حالا هند حصه سنی مزبورلردن طلب ایتدکده مزبورلر معترفلر ایکن مجرد اون بش سنه مرور ایتکله حقک ساقط اولمش اولور دیوب ویرمامکه قادر اولورلرمی الجواب اولمازلر.

.*.*

اون بش سنه بلا عذر ترک اولنان اجاره معجله و مؤجله لووقف منزلاک تصرفه متعلقه دعوی بلا امر مسموعه اولورمی الجواب اولماز.

.*.*

تجارت

زید و عمروک قرنداشلری بکر مستقلاً تجارت ایدوب بزمقدار مال کسب و اول مال ایله نفسیچون شوقدر عمار اشترایله زید و عمرو مجرد قرنداشلری اولمغله اول عمارده بکره مشارکته قادر اولورلرمی الجواب اولمازلر.

.*.*

مال صغیر ایله تجارت

زید وصیتی اولدینی صغیرک مالیه صغیر ایچون مضاربه طریقله تجارت ایتک جائز اولورمی الجواب اولور.

.*.*

وصیت

زید تدبیر مطلق ایله مدبری اولان عمروه الی غروش وصیت ایتدکده نصرکه زید مصرآ فوت اولدقده عمروک قیمتته و مبلغ مزبوره ثلث مساعد اولسه عمرو مبلغ مزبوری زیدک ترکسندن المنه قادر اولورمی الجواب اولور.

.*.*

میراث

تبعه دولتعلیه اسلامیه دن هند مسلمه فوت اولدقده هندک تبعه اتجنیه دن اولوب مسلملر اولان ورثه سی هندک میراثندن محروم اولورلرمی الجواب اولمازلر.

.*.*

میراث معتقه

هند معتقه فوت اولوب انجق کندوی آزاد ایدن زیدک لابوین ارقرنداشی اوغلی عمروی ترک ایتدکده عمروی ترکه هندی اخرازه قادر اولورمی الجواب اولور .

* *

میراث

زید متوفانک زوجہسی هند وقیزلری زینب وخدیجه وارقرنداشی اوغلی عمروی فوت اولوب قنیا سی مقدم فوت اولدینی معلوم اولمسه مزبورلردن هریری آخره وارث اولیوب هریرینک مالی ورثه اچاسه ویرملک لازم اولورمی الجواب اولور .
کتاب الفقیر الیه تعالی ابراهیم الحیدری
عفی عنه

* *

نکاح

زید زوجہسی هندک زوج آخردن اولان اوغلی عمروی متوفانک زوجہسی زینبی تزویج ایدوب هند ایله جمع ایتک جائز اولورمی الجواب اولور .

* *

طلب مهر

مفلساً فوت اولان زیدک زوجہسی هند زیدک بابایی عمروی مجرد زیدک بابایی اولمکله زید ذمتنده اولان مهرمی مالکدن ادا ایله دیوبخیره قادره اولورمی الجواب اولماز .

* *

رضاع

زید صغیر اغلادقده مرضعه اولیوب مہسنک سودی اولمان هند زیدی اسکات ایچون مہسنی زیدک اغزینہ ادخال ایدوب زید مص ایتدکده سود کلمه مجرد هند مہسنی اغزینہ ادخال ایتکله رضاع ثابت اولوب زید هندک رضاعاً اوغلی اولمش اولورمی الجواب اولماز .

کتاب الفقیر

دری زاده السید عبدالله

عفی عنہما

* *

سبب نظام عالم اولان خلیفه اسلام ادام الله تعالی خلافتہ الی یوم القیام حضرت تلیرنک تحت ولایتند بولسان بلاد اسلامیه ده بعض اشخاص شریرہ اتفاق واتحاد وکندیلرینہ رؤسا انتخاب ایدرک تبعه صادقہ شاهانہ بی حیل و تزویرات ایله اغفال و اضلاله و بلا امر عالی اہالیدن عسکر جمعہ قیام ایدوب ظاہرہ عسکری اعاشہ و تجهیز بہانسیلہ و حقیقتہ جمع مال سودا سیلہ خلاف شرع شریف و مغایر امر منیف بر طاقم غرامات و ویرکولر طرح و توزیع و انواع تضییق و اشکنجہ لر ایله ناسک اموال و اشیائی غضب و غارت و بوجہلہ عباد اللہ ظلمی اعتیاد و تجریمہ جسارت و ممالک محروسہ نک بعض قرا و بلادینہ هجوم ایله تخریب و خاک ایله یکسان و تبعه صادقہ دن نیجہ نفوس معصومہ بی قتل و اتلاف و دماء محقونہ بی سفک و اراقہ ایتدکلی و جانب امیر المؤمنین دن منصوب بعض مأمورین علمیه و عسکریہ و ملکیتیہ خود بخود عزل وکندی ہمہ الیخی نصب و مرکز خلافت ایله ممالک محروسہ نک مواصلات و مناقلات و مخبراتی قطع و طرف دولتدن صادر اولان اوامرک اجراسنی منع و مرکز ی دیگر ممالکدن تجرید ایله شوکت خلافتی کسر و توہین قصد ایدرک مقام معلا ی امامتہ اہانت ایتدکله طاعت انامدن خروج و دولت علیہ نک نظام و انتظامی و بلادک آسایشی اخلال ایچون نشر اراجیف و اشاعه اکاذیب ایله ناسی فتنہ بہ سائق و ساعی بالفساد اولدقلری ظاہر و متحقق اولان رؤساء مزبورون ایله اعواز و اتباعی باغیلر اولوب طاعنہ لری حقندہ صادر اولان امر عالیدن صکرہ حالا عناد و فساد لرندہ اصرار ایدرلر ایسہ مزبورلرک خباثتلرندن تطہیر بلا دوشر مضر تلرندن تخلص عباد واجب اولوب « فقاتلوا الی تبی حتی نفی الی امر الله » نص کریمی موجبہ قتل و قتال لری مشروع و فرض اولورمی

الجواب الله تعالى اعلم
اولور .

کتابہ الفقیر

دری زاده السید عبداللہ

عفی عنہما

بوصورتہ ممالک محروسہ شاهانہ حرب و ضریہ قدر تلری بولنان مسلمانلر امام عادل خلیفہ مز سلطان محمد وحید الدین خان حضرت تلیرنک اطرافندہ طوبلانوب مقاتلہ

ایچون واقع اولان دعوت و امرینه اجابت و بغاۃ مزبورون ایله مقاتله ایتملی واجب اولورمی
الجواب الله تعالى اعلم
اولور .

کتبه الفقیر
دری زاده السید عبدالله
عفی عنهما

بوصورته خلیفه مشارالیه حضرتلری طرفندن بغاۃ مزبورون ایله مقاتله ایچون تعیین
اولنان عسکرلر مقاتله دن امتناع و فرار ایلسلر مرتکب کیره و آثم اولوب دنیا ده تعزیر
شدیده و عقابه عذاب الیه مستحق اولورلری
الجواب الله تعالى اعلم
اولورلر .

کتبه الفقیر
دری زاده السید عبدالله
عفی عنهما

بوصورته خلیفه نیک عسا کردند اولوبده بغاتی قتل ایدنلر غازی و بغاۃ طرفندن قتل
اولنانلر شهید و مثاب اولورلری
الجواب الله تعالى اعلم
اولورلر .

کتبه الفقیر
دری زاده السید عبدالله
عفی عنهما

بوصورته بغاۃ ایله محاربه حقنده صادر اولان امر سلطانی به اطاعت ایتیان مسلمانلر
آثم و تعزیر شرعی به مستحق اولورلری
الجواب الله تعالى اعلم
اولورلر .

کتبه الفقیر
دری زاده السید عبدالله
عفی عنهما